



Broj: 06-14-25485-5/17
Sarajevo, 23.10.2017. godine

Na osnovu člana 69. stav (2) tačka a), člana 70. st.1., 4. i 6. Zakona o javnim nabavkama BiH („Službeni glasnik BiH“, broj 39/14), člana 1. stav 1. tačka (a) pod (2) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama („Službeni glasnik BiH“, broj 21/15), člana 8. stav 2 tačka (f) Pravilnika o uspostavljanju i radu komisije za nabavke („Službeni glasnik BiH“, broj 103/14), člana 9. stav 4 Pravilnika o javnim nabavkama Ministarstva broj: 06-02-2257/16 od 21.01.2016. godine, u postupku javne nabavke: pružanje usluga praćenja povrata odobrenih novčanih pozajmica za rješavanje stambenih potreba boraca-branitelja Bosne i Hercegovine odobrenih na teret Budžeta Kantona Sarajevo za 2011. i 2012. godinu i koje su bile plasirane putem Balkan Investment Bank ad – Banka Srpske ad Banja Luka – u stečaju, ministar za boračka pitanja Kantona Sarajevo d o n o s i,

O D L U K U **O PONIŠTENJU POSTUPKA JAVNE NABAVKE** **OTVORENI POSTUPAK**

Član 1.

Poništava se postupak javne nabavke pružanje usluga praćenja povrata odobrenih novčanih pozajmica za rješavanje stambenih potreba boraca-branitelja Bosne i Hercegovine odobrenih na teret Budžeta Kantona Sarajevo za 2011. i 2012. godinu i koje su bile plasirane putem Balkan Investment Bank ad – Banka Srpske ad Banja Luka – u stečaju iz razloga što u pokrenutom otvorenom postupku nije dostavljena nijedna ponuda u određenom krajnjem roku.

Član 2.

Za izvršenje ove Odluke zadužuje se i ovlašćuje sektor za boračko invalidsku zaštitu u saradnji sa sektorom za ekonomske poslove i projekte ministarstva.

Član 3.

Ova Odluka objavit će se na web. stranici www.mbp.ks.gov.ba u skladu sa članom 70. stav 6. Zakona o javnim nabavkama.

Član 4.

Ova Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke nabavka broj: 06-14-25485/17 od 06.09.2017.godine.

Javna nabavka je provedena putem otvorenog postupka.

Procijenjena vrijednost javne nabavke je 370.000,00 KM.

Obavještenje o nabavci broj: 920-1-2-28-3-32/17 objavljeno je na Portalu javnih nabavki na bosanskom i na engleskom jeziku dana 06.09.2017. godine i u Službenom glasniku broj 65/17.





Komisija za javne nabavke imenovana je Odlukom ministra broj: 06-14-1989/17 od 24.01.2017. godine.

Komisija za javne nabavke dostavila je dana 23.10.2017. godine Izvještaj o radu broj: 06-14-25485-4/17 i Preporuku broj: 06-14-25485-3/17 o poništenju postupka javne nabavke iz razloga što nije dostavljena nijedna ponuda u određenom krajnjem roku.

U postupku po Izvještaju o radu utvrđeno je da je Komisija za javnu nabavku blagovremeno obavila sve zadate poslove i zadatke, te u postupku ocjene provedenog postupka nisu uočeni nikakvi razlozi, nepravilnosti niti propusti u radu koji bi eventualno bili osnov za neprihvatanje Preporuke Komisije za javne nabavke.

U postupku je utvrđeno da je Komisija u svemu pravilno postupila, te da je preporuka o poništenju postupka javne nabavke data u skladu sa članom 69. stav 2 tačka a) Zakona o javnim nabavkama, podzakonskim i internim aktima i tenderskom dokumentacijom.

Naime, u postupku predmetne nabavke nesumnjivo je utvrđeno da nije dostavljena nijedna ponuda u krajnjem ostavljenom roku čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav 2 tačka a) Zakona o javnim nabavkama, te člana 9. stav 4. Pravilnika o javnim nabavkama Ministarstva, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba najkasnije 10 (deset) dana od dana donošenja ove Odluke.

